



Broj: UP-1:04-25-856/17
Goražde, 27.11. 2017. godine

Na osnovu člana 124. Zakona o vodama („Službene novine Federacije BiH“, broj: 70/06) i članova 21. i 22. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15), Ministarstvo za privredu Bosansko-podrinjskog kantona Goražde daje slijedeće:

OBAVJEŠTENJE
o podnesenom zahtjevu za izdavanje Prethodne vodne saglasnosti

Ministarstvo za privredu – Direkcija za ceste Bosansko-podrinjskog kantona Goražde podnijela je zahtjev za izdavanje prethodne vodne saglasnosti za izgradnju regionalne ceste “Hrenovica - tunel Hranjen - Goražde”, cestovno povezivanje Goražda sa pravcem 3 SETTO mreže Sarajevo – Vardište.

Podaci o podnesenom zahtjevu:

Broj zahtjeva:	UP-1:04-25-856/17 od 21.11. 2017. godine
Podnosilac zahtjeva:	Direkcija za ceste Bosansko-podrinjskog kantona Goražde
Lokalitet:	Hrenovica, općina Pale FBiH – Grad Goražde
Vrsta objekta/aktivnosti	Regionalna cesta “Hrenovica - tunel Hranjen – Goražde”
Opis objekta/aktivnosti	<p>Trasa regionalne ceste “Hrenovica - tunel Hranjen - Goražde” proteže se od naselja Hrenovica, gdje se dijelom poklapa sa trasom nekadašnje željezničke pruge, prelazi preko korita rijeke Prače (most dužine 205 m), ulazi u padinski dio te prati korito rijeke Čemernice i ulazi u brdski masiv Hranjen – tunel dužine 5790 m. Izlaz iz masiva je u dijelu Podhranjena (naselja Karoči i Kamenice) te se u nastavku trasa uklapa u postojeću cestu, sve do ulaza u gradski dio Goražda.</p> <p>Rijeka Čemernica i Podhranjenski potok su u većem dijelu u koliziji sa planiranom trasom regionalne ceste te su neophodne regulacije njihovih korita na šest lokacija, ukupne dužine cca 4.790,33 m. Rijeka Čemernica se reguliše na početku trase prije ulaza u tunel a nakon izlaza iz tunela vrši se regulacija Podhranjenskog potoka na pet lokacija.</p> <p>Na trasi regionalne ceste “Hrenovica - tunel Hranjen – Goražde” ima ukupno sedam mostova. Samo je most na rijeci Prači (most 1) duži i iznosi 205 m dok su ostali na Čemernici (most 2) i Podhranjenskom potoku (mostovi 3,4,5,6 i 7) uglavnom dužine do 21 m.</p> <p>NAPOMENA: Investitor je uz zahtjev priložio Studiju za dobijanje prethodne vodne saglasnosti - Idejni projekat - cestovno povezivanje Goražda sa pravcem 3 SETTO mreže Sarajevo-Vardište, urađenu od strane “Ipsa institut” d.o.o. Sarajevo, oktobra 2017. godine, koju zainteresovana lica mogu dobiti na uvid u Ministarstvu za privredu BPK-a Goražde a izvadak Studije je objavljen na službenoj web stranici Vlade BPK-a Goražde.</p>

Pozivaju se sva zainteresovana pravna i fizička lica da putem pismenog izjašnjenja dostave svoje eventualne primjedbe, prijedloge i sugestije po ovom zahtjevu, u roku od 20 (dvadeset) dana od dana objave ove obavijesti na službenoj web stranici Vlade BPK-a Goražde i oglasnim pločama Vlade i Ministarstva za privredu BPK-a Goražde, Grada Goražda i općine Pale FBiH, na adresu:

Ministarstvo za privredu Bosansko-podrinjskog kantona Goražde
Ulica M. Tita broj 13
73 000 Goražde

MINISTAR

Anes Salman